

B. A.

Positiones Medicæ

De

FEBRE EPIDEMICA

nunc passim sæviente,

Q V A S

Scitō atq; Decretō Ampliſſimi Collegij
Medici;

P R Æ S I D E

JOH. LUDOVICO

MOEGLINGO, HEY-

DELBERGENSI, MEDICINÆ

DOCTORE ET PROFESSORE ACADEMIÆ

TUBINGENSIS ORDINARIO, Dn. PATRIS

Parentis instar nunquam non suspi-
ciendo,

Pro Insignibus ac Privilegiis Doctoralibus

in Arte Medicâ consequendis,

Ad diem 27. Jan. in Aulâ novâ Publicæ cen-
suræ subij. it


M. Daniel Mögling.



TUBINGÆ,

TYPIS THEODORICI WERLINI,

ANNO M.DC.XXI.



VIRIS

REVERENDIS, EXPERIENTIS-
simis, Clarissimis, & undiquaq³ Præstan-
tissimis,

Dn. M. WOLFGANGO MOEGLINGO, Lamershei-
mensium in Ducatu Würtemberg. Pastori vigilantissimo;

Dn. JOH. DAVIDIMOEGLINGO, Philosophiæ ac
Med. Doctori, necnon Bietigheimensium in eod. Duca-
tu Polyatro dexterrimo;

Dn. JOH. LUDOVICO MOEGLINGO, Phil. itidem
ac Med. Doctori, hujusque in inclyta Tubingensi Acade-
miâ Professori ordinario;

Dn. JOH. WILHELMO MOEGLINGO, ejusdem
Universitatis, Synadelphingæ, Quæstori fidelissimo;

Dn. JOH. NICOLA O MOEGLINGO, Medicinæ
Candidato meritissimo;

Dominis Patruis, æternum

suspiciendis, honorandis, amandis;

Has suas Positiones inaugurales

strenæ ac singularis observantiæ loco

D. D. D.

simulq³ omnia fausta precatur

A. & R.

POSITIONES MEDICÆ
DE
FEBRE EPIDEMICA
nunc passim sævien-
te.

M IHI, DE CERTA QUADAM
è Penu Medico depromptâ materiâ, disputaturo,
tempori præsentî inservire, talemq; qualem ipsum
nobis suppeditat, eligere, ac proinde Luis illius
Ungariæ aut Cephalicæ, ut vulgò vocant,
nunc passim grassantis, Naturam, Differentias,
Causas, Signa, Symptomata, Curationem & πρὸ Φυλάξι, eâ quâ
fieri potest brevitate, pertractare animus est.

I. Est autem Lues ista Epidemica Febris continua atq; maligna,
è fervidâ venenatâ eaq; putrescente materiâ orta.

II Et pro vario variorum humorum partiumque apparatu, cor-
poris item, æris, temporum, locorum, diætæ ac aliorum constitutio-
ne diversâ, varia est: nunc quotidiana, nunc tertiana, nunc quar-
tana continua, simplici vel composita, magis propinquior.

III. Causæ verò, quas (præter innumera nostra peccata, mi-
nacesq; cæli constellationes) Medicus maximè considerat, sunt vel
Externa, vel Interna.

IV. Externa sunt, Aëris humida & calida, quin & quæcunque
inconstans & inæqualis constitutio durabilis, præteriti præsertim
tempo-

Positiones Medicæ

temporis insolitus nunc squalor, nunc frigus; venti australes humidiores, per regiones imprimis antea infectas spirantes, pluvia frequentes; frumenta & alimenta vitiosa, tum genita atque usurpata, putredini ac malignitati obnoxia; vina quorundam locorum præ sulphurea & calcinosa; inordinata & miserabilis, in bello, caterorumq; locorum annona caritate, vitæ ratio; medicamentorum debito tempore neglectio, vel minus idoneorum inconsiderata adhibitio; reliquorum iam hoc morbo laborantium præcepta & recepta, & quæ eius generis alia sunt, quibus vitiosi in corpore humores cumulari, ac putredini malignitatiq; idonei reddi possunt.

V. Interna sunt, omnis generis excrementa, maiori ex parte in ventriculo, Intestinis & vicino Mesaræo collecta, in quibus, ab impeditâ coctione, ex vehementi atque diuturnâ putredine, venefica quædam qualitas oritur, quæ postmodum & reliquis, tam excrementitijs, quàm alimentalibus succis, in & extra vasa, quin & visceribus ipsis præsertim cordi (ac quidem pro variâ corporis dispositione in uno quàm alio citius.) communicatur & Adhærens atque morbosè imprimitur, unde postea putrida & maligna exhalationes, ad caput, ventriculum, nervos, &c. deferuntur, & varijs causam præbent Symptomatibus.

VI. Signa & Symptomata huius morbi sunt vel Diagnostica, vel Prognostica. Et Diagnostica vel impendentis, vel præsentis morbi.

VII. Impendentis, causâ modo nominata interna & externa, peioris moris & conditionis; multa, hincinde conspecta; multitudo egrorum siuilibet & periculose laborantium; contagio in adibus publicis & privatis, abiectio & tristitia animi citra causam manifestâ; terror in tenebris & in somno; lassitudo totius corporis inconsueta, cum caloris; imò & ardoris & horroris vicissitudine; abominatio carniû, rerumq; salsarum; sitis, dolorq; capitis subinde recurrens; fluctuationis iactationisq; sensus in toto corpore & his consimilia.

VIII. Præ-

Positiones Medicæ.

3

VIII. *Præsentis morbi sunt, pulsus parvi, frequentes, languidi, inordinati, & si quandoque boni appareant, tamen alijs signis deterioribus adiuncti; Urina principio plerunque naturalis, circa statum flava modo, modo rubea, subrufa, vel intensioris coloris, cum sedimento rubeo, crasso & turbato, aliquando copiosa cum fœtore insolito, post statum (sæpè etiam antè) confusa, turbida, crassa; post rigorem mox constans, abditus, profundus, & vehemens æstus, cum singulari ac perpetuo capitis dolore, repentinoque, insigni, ac cæteris febribus inconsueto totius corporis languore & agitatione indesinente; aliquando etiam adest animi deiectio, loquendi tædium, frequens manuum pedumque tremor, sensuum aurium comprimis & oculorum magna modo diminutio, modo depravatio, vigilia, phantasmata melancholica, deliria, furores, appetitus deiectio, sitis, oris & lingue inflammationes, faucium interdum tumores, exanthemata aut macula moligna, papula quandoque ardentes, quandoque bubones & phymata; Quidam circa præcordia dolorem sentiunt, & de cardialgia conqueruntur, simulque tussiunt, & puniuntur in lateribus; quidam ad vomitum materia biliosa, &c. alij ad solvendam alvum stimulantur, quorum deiectiones plerunque gravius olent, & colliquationis, nec minus & dysenteria iudicia secum afferunt; in alijs obstructions obtingunt; oris item fœtor, anhelitus difficultas, cutis & oculorum flavities, ac è naribus, utero & ani venis hæmorrhagia nonnunquam animadvertitur.*

IX. *Signa Prognostica mortis aut vitæ, in hoc tam σφαλερῷ morbo, certa dari non possunt, cum sæpè, signis bonis apparentibus, egri à latente malignitate iugulentur, & vice versâ, malis signis præsentibus, nonnulli evaserint: Non incommode tamen Medicus ex seqq. & similibus signis, quid futurum sit, colligere poterit. Bona sunt, fluxiones & expulsionæ quæ facile feruntur; sudor talis ab initio multus; urina moderatè crassa, ut & ea quæ cum sedimento sub crasso prodit; pus, aqua vel sanguis, per nares, os, vel aures, caput dolenti, pro virium ratione effluens; stigmata benè colerata; fluxiones*

& destillationes cumulatim in collum externum descendentes; auditus abolitio cum cessatione atrociorum symptomatum, & similia. Mala sunt, quæ contrario modo eveniunt, item remedium nimis tarda adhibitio; Sudor nimius, particularis, supra modum fetidus; Urina planè naturalis, crassissima, confusa, perturbata, subito item mutata, pauca, nigra, livida, viridis, plumbea, aquosa, alba; petechiæ initio morbi copiosæ, nigra, livida, pallida, aut de insperato evanescentes; Icterus ante septimum diem; deliria cum temeritate; respiratio frigida, fetida, aut absque insigni causâ molesta; ortus ventriculi dolor, cum distento præcordio & dolore capitis. Lethalia censentur: Sudor frigidus; Urina tenuis cum virium imbecillitate; facies tortuosa & terribilis; color lividus; labri, supercilij, oculi vel nasi perversiones; lingua nigra & cum virore pallida; dentium stridor; lethargus vel phrenitis post 11. vel 14. diem; somnus laboriosus; secundum aures tubercula sine crisi; acutus in aure dolor, &c. Notandum etiam, quando venenum propter fervidam ac celerem suam activitatem, in corporibus præsertim calidis, & siccis immediate statim solida cordis apprehendit, tum aeger absq; sensu singularis astus, vel aliorum membrorum dolore insigni, subito fere decedit. Verum, ad Prognosticationis certitudinem maiorem, Medico perito omnino incumbet, pro Medicinæ & syncerioris authoritatis ac estimationis suæ conservatione, præcipua prognosticorum horum signorum phænomena, doctè colligere, & ex harmonia plurium, congruè, prudenter & cautè pronunciare.

X. His omnibus probè, & quâ fieri potest assiduitate & industriâ prospectis, 4 potissimum scopi nobis suppeditantur. Quorum primus est, Intemperiei venenosa materialis alteratio & ablatio. Secundus, fomitis in ventriculo & vicinis locis vasisq; delitescantis, subductio, Tertius cordis & spirituum roboratio & instauratio. Quartus, Symptomatum (quæ hic admodum vehementia esse solent) emendatio.

Quos scopos his tribus medijs, Diatâ, Chirurgiâ, & Pharmaciâ, assequemur.

XI. DIÆTA, à correctis devitatisq̃, quantum fieri potest, causis publicis & communibus, sex rerum non naturalium administratione convenienti perficitur, sitque vires præsentis conservans, amissas restaurans, venenatamq̃ materiam impugnans. Propterea Aër eius loci in quo iacent agri, sit temperatus, purus, liber, nec nimium splendens, nec nimium obscurus, benè quidem at moderatè olens, non ex fumis, aut vaporibus, aut ignescentibus; sed fragrantibus integrarum rerum temperatarum qualitatibus odoriferis spontè emissis, uti ex dissectis pomis, pyris, cydonijs præsertim & citrijs malis viridibus, atque hujus generis alijs. Cibi competunt refrigerantes & desiccantes quodammodo, boni succi & facilis concoctionis quales sunt iuscula caponum, pullorum cum hordeo, cū succo citri vel Limonū, aut aliquot guttis aceti rosæ condita, panatellæ, pruna dāascena, puls passularū, cū vino granatorum & cydoniorum, dactyli recentes cum illis percocti, ptisana hordeacea ex brodio caponum cum succo rib. aut berber. gelativæ, garum &c. Admiscetur utilissimè alimentis pulvis cardiacus D. Rulandi, sive Bezoardicus in Dispens. Augustano. Cibi verò quantitas sit mediocris, parca & reiterata, tempore tollerabiliore. Potus fiat medicamentosus, facultate refrigerans & subsiccans, ex rad. acetosæ, borag. buglos. cornu cervino, hordeo integro, ferro aurové extincto, albumine ovorum, succis pomorum vinosorum, posca, acidulis naturalibus, &c. Vinum & cerevisia vitentur. Somnus & vigiliæ moderatæ sint. Animi affectus vehementiores, præsertim ira & mæror caveantur.

XII. CHIRURGIA tribus perficitur, Vena sectionis, Cucurbitularum & Vasicantium administratione. Venæ sectionem præcipuè suadent Plethora, virium robur, atas, consuetudo, symptomata sanguinem insequentia cumulatiora, motus naturæ, tempus aptum. Vnde Phlebotomia non erit admittenda viribus prostratis (quod sit plerunque post tertium diem) nec ab initio morbi in cacochymicis,

chymicis, nec in ijs qui diarrhæâ aut hæmorrhagiâ laborant, nec ubi putredo magna, & summa veneni malignitas adest. Secunda vero erit vena viribus nondum attritis, in corporibus plethoricis, quantitate non nimia aut partita, è pedibus præsertim & manibus (alijs non impredientibus) initio morbi, ubi cordiale commodum & vacuans lenè præcesserit. Occasione vero sanguinis è vena mittendi prætermissa, & quando viribus morbi progressu labescentibus alijsq; metuimus, Cucurbitulæ inferiori dorsi parti infra renes, & suris affigendæ erunt (evacuato prius corpore) vel cum scarificatione, si aliqua luxuriantis sanguinis copia adsit, vel sine scarificatione, solius revulsionis causa. Malo urgentiori Magnetismi, Phænigmi, sinapismi, vesicantia, partibus ignobilioribus tempestivè apposita, multum etiam iuvant. Admovemus ea fortiorum cruribus & coxis (corpore itidem prius vacuato) ut revellamus materiam venenatam à corde: in progressu vero morbi etiam superioribus partibus, ad derivandam vitiosam materiam à parte in partem, si pars præsertim vel humoribus lace ssatur, vel doloribus fatigetur.

XIII. PHARMACIÆ beneficiò, si fervor, agitatio & putredo humorum commodè cohiberi, & non prætervisa atque neglecta malignitate, magis ad egressum parari possit, alterantia appropriata primum admittimus. *Ut in biliosa magis impuritate: Cichor. oxalid. Nicotian. foem. Tormentill. Rosas, Cotonea, Citria, Punica, Persica & Medica mala acida cum baccis Rib. Berber. Crespin. Oxiacanth. Myrth. & passular: aut Glyzyrrizæ dulcedine. In Pituitosa magis inquietudine; Pimpinell. Scabios. Veronic. Card: bened. Succisam, Scord. Angel. cum Poly-pod. & Rut. semin. decocto. In atrii humoris prædominio, Scorzoneram, Vincetoxic. Borrag. Bugloss. Galegam, Nymph. Viol. Cyan. & Consolid. regal. flores, cum sero lactis capr. aut cochlear. aquâ, & variis infusis, decoctis, Iulapiis & Syrupis inde paratis.*

XIV. Si vero preparatorijs modo dictis locus commodus & mora venialis non detur, primò fomes è ventriculo purgatione subducitur, eâq; tutâ, benignâ, simulq; antipathica, max ineunte morbo (etiam non expectata coctione) tam per inferiora quàm superiora instituta, quorsum Natura ipsa magis vergit.

XV. Per inferiora commodissimè purgant Rhabarb. vel per se, vel in infusione, cum Agarico, Polypod. Sena, epithym. fic. passul. thamarind. Et ex compositis, syr. viol. sol. syr. ros. solut. cum sol. senæ, cum Agar. cum Rhab. cum helleb. de polypod. compos. Tryphera Persica Georg. Agricola. vel hæc potio tutissima: R Rad. Scorzon. zij. Fol. Galeg: Epat. Stellat. Oxyd. â p. iij Flor. 4. cord. â p. ij. Agar. Sen. Polypod. â zij. Cort. rad. helleb. nig. præpar: Zedoar. Serici crud. incisi à ðj. Decocti passul. min. recentiss. adhuc calentis q. s. Refrigerentur. Hujus colat. 3x addatur cremor Tart. zj. ol. Rhabarb. stillat. purgantis ðj. pro una dosi. Sed & Clysteres fieri possunt ex Iusculo Hordei decort. ex sero capr. cum Scandic. Mercuriali, Malva, Crithamo, Kali, florib. Acat. Persic. butyro, sacc. rub. ovor. vitellis. Pueri blandè purgantibus tententur, utpote Mannâ cum brodio pulli, viol. syr. Diafer. catholico &c.

XVI. Per superiora vomitorio purgantur, qui viribus valent, & convenit uti aqua marinâ, vel muriâ decoctâ cum mercuriali, urtic. virid. genist. Gillâ Crollij, vel hóc Rulandi, quod simul Sudoriferum esse potest: R Rad. Asar. inund. & crassè pulveris. zij. Aq. card. bened. Acetos. â. 3ij coq. len- tè ad consumpt. 3ij col. cum expressione. Post R: colat. pu- rè expres. 3iiij. Syr. de acetos. Simpl. 3j M. Ventriculus robo- retur & vires reficiantur, iure pulli in quo grana berber: & chermes coxerint, rob. rib. carne citri conditâ cum tab. Ma- nus Christi perlat. haustu succi cydon. clari, decocto men- thæ, pimpinel, & similibus.

XVII. *Post subductionem aliqualem fomitis, ad veneni ipsius, quod corporis habitui & sanguini communicatum est, ablationem, & adhuc maiorem caloris non naturalis putredinisque debellationem, dirigenda est curatio, quæ perscitur commodissime sudoriferis & diureticis.*

XVIII. *Sudor promovetur Alexipharmacis proprijs, corn. cervin. præpar. Terrâ sigil. Silesiacâ & Turcicâ, unicorn. bol. arm. Lap. Bez. orient. Ex compositis Elect. Diascord. de ovo, Pulu: Bauarico, Pannonico, Pulu: illustris. Principis Würtemberg: Aq. Matthioli theriacal. Liquore Sudorif. Noribergens. Aq. Scord. compos. Rob. Ebul. Sambuc. cum Syrup. suavioribus acetosel. pom. acid. oxy saccharo & aceto simpl. vel R. 3j. pulu. rub. Cæs. spir. scabiosæ ʒij.*

Salia etiam hîc plurimum valent, rectè preparata & prudenter exhibita, uti Sal Artemis. salis Card. bened. percoctionem, non calcinationem elicit gr. ij. in aq. vel spir. card. bened. Cuius confectioem habet Beguinus l. 2. c. 17. Tyroc: chymici. Sudoris vero exitus celeriar promovetur, si imponatur soleis pedum panis tostus calidus copiosâ theriacâ perlitus, & umbilico facci calidi repleti fale aut sem. Panici, lithospermi. Sudez ager non coactè, & ad summum trestantum horas in loco mediocriter calido, nec inter sudandum dormiat, eumque in finem sæpè nodulus ex comis lauand. Rutæ, aut Juni. baccis, imbutus in aceto ros. naribus admoveatur, & cum panis portiuncula offeratur suc. granator. cydoniorum, acetum vile cum saccharo, ros. tabulat. dulcoratum. Post sudorem calidis pannis abstergetur ager, & convenientibus medijs roboretur, ac ne statim frigidam captet auram caveatur.

XIX. *Posthac Diuretica præcipuè adhibeantur. Talia sunt decoct. rasur. corn. cer. ust. in pollinem redacti, rad. acetos. cichor, scorzon. Dictam. Cort. & sem. citri, bac. iunip. cum sem. foenic. additis ol. vitriol. rectific. guttis tot quot sufficiunt,*

ciunt ad gratam aciditatem aqua inducendam. Emulsiones ex sem. Nap. citr. 4. frigid. maior. halicacab. cancri præparati: amygd. amar. cum. aq. fragor. rub. idæi, putamin. è nuci- bus. *Iulapium diureticum composuit Rulandus, quod, cum proba- tissimum in hac Lue censeatur, subiungere placuit.* R. Aq. puræ lb ij. Ras. corn. cer. in peria ligati 3 vj. f. decoctum ad con- sumpt. lb f. R. colat. lb j f. suc. Limon. 3 iij. coq. despu- mando semper, & purif. cum album. ovi. Addi possunt, ut supra, aliquot guttæ ol. vit. rectificati.

XX. *Addenda porro cordis & spirituum refectio, qua fit va- riis cardiacis tam externis quam internis. Interna commendantur* Sp. Liberant. de hyacintho, lætific. Gal. Diamarg. frig. cor- dial. Alex. *ea tertia quæq; hora porrigantur cum aquis cordialibus,* ros. lavend. myrthi, lill. conval. è cort. cit. melis. in B. destill. affusâ semper vini granat, vel acet. ros. iusta quantitate. Reliquis egregiè conducere scribitur hac Aq. prophylactica, analeptica & alexipharmaca, quæ R. ros. rub. M. f. Zedo. sem. cit. â 3 iij. Rad. torment. cort. cit. Sant. citrini â 3 j f. Ras. corn. cer. ust. & crud. â 3 iij Camph. opt. 3 j. gr. vj. Suc. citri y pomi, aceti ros. opt. â lb j. 3 iij. M. & macerentur in aqua tepida per ij. dies natu- rales, post in duplici vase hermetice elauso extillentur. Verum de ace- to una destillato nobis esto dubium, utrum verè conveniat. Externa sunt epithemata, quæ regioni cordis, carpo, talo, & alijs pulsuum locis, tepida, ut & naribus utiliter admoventur. Commendatur tanquam efficacissimum ol. Scorp. Matthioli compos. & simplex, Ex- tractum Cordiale Noribergenſe, quod R. Sp. diamosch. dulc. Diamb. proepith. cordis â 3 ij. Ros. rub. odoratis. 3 j. Santal. omni: â 3 ij. Irid. florent. 3 iij. cort. aurant. citri â 3 j. Boli arm. Or. 3 ij. Aq. ros. lb iij. vini odorif. lb j. f. Ace- ti ros. lb j. Incis. & contus. omnibus, infund. & destill. f. a. Prætereâ non sine commodo inponuntur acet. ros. rutac. Scord: & bac. Iunip. contus. & cum aceto ros. subactæ, Balsamum

citri, &c. Insignis ille Crato, tanquam præsentissimum remedium, in omnibus malignis febribus commendat Ambram Chryscam, veterum & posthanc etiam camphoram.

XXI. Restat denique Symptomatum mitigatio, quorum semper toto morbi tempore ratio habenda est, ne natura agri eorum atrocitate vel planè superetur, vel admodum debilitetur, factò exordio à capitis insigni dolore.

XXII. Is quidem, deposita plenitudine, & diminuta cacochymia, topicis curari poterit 1. Revellentibus, 2. Repellentibus & Oxyrrhodinis, ubi planè divinum remedium censetur Rad. Rhodiæ usus hoc pacto celebratus: R. Rad. Rhod. rec. ʒj.

Aq. ros. ʒj. l.

Decoquantur ad tertiam partem, intingantur linei panni, & capiti apponantur. Commendatur etiam unguentum Alabastr. cum camphorâ. 3. discutientibus, & 4. Anodynis.

XXIII. Delirium compestitur ijs Medicamentis, quæ ad nimias vigilias infra adhibebuntur, sæpius iteratis: sin his non cedat, cucurbitulis sanguis copiosus è suris educitur, & cucurbitula cervicis, brachijs, admoventur: sin nec his quiequam perficitur, & vires ferant, secunda vena frontis, & capiti alexipharmaca discutientia cum oxyrrhodino illiganda. Non inutiliter imponitur gallina vel columba dissecta, adhuc calens, sæpius permutata: Vngari capam adhibent, alij alia. Quidam huius Medicamenti vim insignem hæc in parte aliquoties se expertum esse dicit: R. Angel. Astrant. Zedoar. Torment. Diptam. à Mj. Ros. rub. Mij. Maioranæ, Lavand. à ʒ iij. Camph. ʒj. Aceti ʒij. post fortem ebullitionem benè obturata impone super fornacem, intinge linteamina & capiti applica.

XXIV. Vigiliæ, cum causa sint delirij, maturè tollenda. 1. abiguntur ijsdem, quibus dolor capitis & deliria. 2. Embrochis & Lotione pedum in loco calidiori. R. Rad. Rhod. vel Plantag. latifol. ʒij. fol. vitis, Salic. Violar. Lactucæ à Mj. flor. borrag. buglos. nenuphar. à M. f. cap. papav. alb. à Nōvj. coq. in f. q. a.

Sin his nihil perficitur, detur 3. potio somnifera ex decoct. hord. cum p. 1. Serpill. vulg. Sem. papav. alb. Sp. Diamarg. fug. & ros. aquâ. Ac in summâ necessitate Laudan. opiat. probè confect. gr. ij. vel iij. cum pauculâ aquâ perlarum.

XXV. *Sitis optimè fallitur Endiviæ, Portulacæ utriusque & Lactucæ stolonibus, aquâ ros. madefactis, ori indutis, & sæpius innovatis: Item Iulapijs & decoctis, quibus ol. vitr. rectificati aliquot gutta fuerint commistæ. Sumat Sitiens interdum aliquid de cydon. condit. de sapâ moror. cum agrestæ syrupo, & oxy-saccharo dissolut. Somno intempestivo etiam pro varietate causarum occurrendum erit.*

XXVI. *Scabritiei & inflammationi linguæ & faucium providebitur, si lingua probè à sordibus mundetur, post gargarismata usurpentur ex aq. plantag. consolid. usitatoris utriusque. pilosell. hippur. additis suc. semperv. maior. diamor. suc. cydon. In ore teneatur & sensim deglutiatur seq. mistura: R. Suc. recent. Rutæ, Hyssopi. Semperviv. Maior. Salv. acutæ à Cyath. j. M. Flor. Crusius ait, se meminisse, hoc remedium, exhibente Dn. D. Papio, in desperatis etiam casibus profuisse. Alij seq. Medicamentum commendant R. Semperv. Maioran. q. f. contunde ac pro singulis dimidiatis libris adijce Sal. Ammon. 3 ij. Repone loco humido subterraneo, donec Sal liquefactus sit, post modum aquam alembico extrahe, quâ linguam & os aliquoties collue, & senties auxilium certissimum. Conducunt etiam Sal. Nit. Prunell. Tab. de Nitro &c.*

XXVII. *Cardialgia tollitur 1. vacuatione materia per vomitum & alvum, ut supra monuimus. Deinde obtusione malignitatis & fervoris humorum, syr. granator. de acetos. citri, Limon. Suc. agrest. oxalid. cum aq. acetosæ, Scorzon. Mentha. Alexipharmaca (v. g. Aq. Matth. cum aceto nuc. mista) presentissima hîc sunt remedia. Sic mica panis vino granator. madescens comesta pluribus profuit. Cueurbitula orificio ventriculi*

apposita mirum in modum prodest. Huc pertinent Anorexia, vomitus, singultus &c. quorum eadem causa est.

XXVIII. Palpitationi cordis & Lipothymijs, cordialibus tam internis quam externis occurrendum est. R: flor. sambuci, consperge optimo vino in patina aliqua, ita tamen ut non nimium humectentur, adde tritas nuc. mosch. & cinam. probè obtura, & per 8. dies relinque collocata supra fornacem calidum, deinde destilla in B. M. aquam exceptam expone soli, donec Lavendula & Spicacardi florere incipiant, & tum acceptos flores Lavend. & Spicacardi consperge dictâ aquâ. Post R: trit. Carioph. Cinam. Nuc. mosch. â. Asperge dictis floribus, & per aliquot dies digere, deinde destilla. Hâc aquâ odoratissimâ uti poteris, quomodocunque velis, si-ve propinando, si-ve externè applicando.

XXIX. Catharris desuper eum impetu fluentibus, Syr. viol. simpl. de papau. errat. de Psyll. cum tab. diatrag. frig. Tussientibus & obstructione pectoris anhelantibus, Syr. de tussilag. de capill. ven. de Nicotianâ, cum decoct. pectoral. & Card. destillator. aquis, confert.

XXX. Diarrhæa non sistatur, sed initio morbi, & si fluxus sit criticus, sinatur: si verò nimius evadat, & sit colligativus, naturâq; debilitet, derivetur, & venenata qualitas oppugnetur, hinc procedunt Diuretica alterantia & alexipharmaca. Clysteribus verò quibus itidem idonea alexipharmaca admista sunt, commodissimè dysenteria consulitur. v. g. R. ros. rub. anagall. rub. fragar. plantag. utriusque â M j. rad. torment. ℥ j. f. decoctio in f. q. a. ad dimid. R. colat. ℥ xvj. cons. ros. antiq. ℥ ij. cola denuò, f. clyster. Deinde revellatur fluxus diureticis. Huc pertinet corporis obstructio nimia, quæ si à fervore orta fuerit, refrigerantibus & humectantibus destruenda; sin aliter, pro ratione causa, prudenter procedendum erit.

XXXI. Bubonum tandem cura ferè eadem qua in Peste. Vbi tamen notandum, natura debiliori, circa tempus huius abscessus, vi-

Et u &

Positiones Medicæ.

13

At & Bezoarticis singulariter succurrendum esse: si fortior sit, & babonem magno dolore valenter expellat, mitigantibus solum & anodynis, in contrario vero attrahentibus & cucurbitulis utendum censemus: si ingens malignitas coniuncta foret, consuleremus veneno, candente ferro vel auro exitum parare: Qui post auris oboriuntur ob maius periculum, absque morâ, fol. Peti maior. vel minoris, itemque fermento cum ol. lini, promovendi sunt.

Reliqua mitiora Symptomata, ne longiores simus, lubenter præmittimus, curam pharmaceuticam hîc concludentes.

XXXII. Προφύλαξις consistit primò in cacc. bymia, si qua adest, ablatione. 2. in plethoræ diminutione. 3. Caloris nativi, & spirituum, atque adeò cordis roboratione, & 4. in evitacione locorum, consuetudinis, & aliarum causarum suspectarum. Ad primum cathartica benigniora, & in robustioribus etiam validiora, atque singulariter conf. Hamech. cum decoct. Hor. & fruct: ad secundum Phlebotomia conveniens; ad tertium Alexipharmaca præscripta & præstantiora quoq; alia, plebeisq; notiora, caput non tentantia, faciunt.

Tandem meminerimus, gravidis, omnia hæc qua dicta sunt hucusq; media, & quibus salus in hac sævissimâ Lue. DEO favente & adiuvante, recuperari potest, carissime esse adhibenda, easq; ita tractandas, ne iure dici possit, Medici incuriâ causam esse datam abortui: quapropter purgantia sint lenia, cibus mediocris, medicamenta non tantum matrem, sed etiam fœtum roborantia, aut ad minimum non offendentia.

Sicq; Disputatiunculam hanc nostram concludimus.

FAXIT DEUS TER OPT. MAX. UT
innumera nostra peccata poenitentes tandem agnoscamus,
& ex.

& ex imo cordis deploremus, ac consequenter eidem, hunc
& alios atrociores Morbos clementer ac paternè avertendi,
ansam & occasionem præbeamus. Fiat, & vota hæc nostra
rata habeat summus Archiater, Dominantium Dam i-
nus & Exercituum Dux, Maximus

J E H O V A H!



F I N I S.

